


# Dienelkander



## Nuusbrief van die Gereformeerde Kerk Potchefstroom-Oos

10 Mei 2015

### OGGENDDIENS: Ds. Karel

**Skriflesing:** Filippense 1:27-2:13  
(Afrikaans - `n Direkte Vertaling)

**Teks:** Filippense 2:12-13

**Tema:** Groei in jou geloof deur, in gehoorsaamheid aan God, jou verlossing in Christus te lééf!

Wat beteken dit om "...met vrees en bewing aan julle verlossing..." te werk? Wil Paulus hiermee sê dat daar iets soos werke-verlossing is; dat ek deur goeie dade en mooi maniere verlos kan word en hemel toe kan gaan? Alles behalwe! Om hierdie woorde van Paulus reg te verstaan, moet ons die daaropvolgende vers ook in gedagte hou: "Dit is immers God wat in julle werksaam is, sodat julle gewillig is en optree soos Hý dit goedvind."

Met hierdie woorde leer die Here ons dus dat geloof nie net oor ons verlossing gaan nie, maar ook en veral oor ons heiligmaking (sien die stuk oor die heilsorde hieronder). Verlossing is nie `n punt nie. Ek is nie verlos sodat dit met my goed sal gaan en ek `n mooi en lekker lewe sal hê nie. Nee! Gód verlos my met `n sekere doel: dat ek al hoe meer dieselfde gesindheid as Jesus Christus sal besit, sodat God geëer sal word.

### Vooraf sang

Ps. 8-1: 4, 5, 7 en Sb. 1-6: 1, 3 (Melodie Lied 203)

### Ontmoetingsdiens

Intreelied: Sb. 12-5:1; Votum; Seën; Loflied  
Ps. 45-1: 1, 2, 5, 16;

### Verootmoedigingsdiens

Wet: Kolossense 3: 5-17; Sing Ps. 40-1: 4, 5;  
Gebed

### Woorddiens

Skriflesing; Sing Ps. 40-1: 3; Woordverkon-  
diging;

### Antwoorddiens

Geloofsbelydenis (Apostolies almal saam);  
Sing Sb. 8-3: 1; Gebed; Liefdegawes; Gebed  
vir BnB; Sing Lied 200: 1, 2, 3; Seën;  
Amenlied Sb. 13-2.

### AANDDIENS: Teol Student: Werner Brotherton

**Skriflesing:** Romeine 8: 18-30

**Teksvers:** Romeine 8: 23-25

**Tema:** God red sugtende mense in hoop sodat ons met volharding kan wag.

Waarop bou ons ons hoop? Is dit op wetenskap? Is dit op ons eie verlossing? Daar is baie gedagtes wat opkom wanneer ons aan hoop dink. Tog lê ons hoop in iets heeltemal anders. Paulus leer ons ook van hierdie hoop. Die voel soms of ons hopeloos in die wêreld is, asof alles ons versmoor. Tog is daar hoop, maar dit is die hoop wat ons nie sien nie, of nog nie sien nie. Die hoop is iets waarna ons smag, ons sien uit daarna.

## Ontmoetingsdiens

Intreelied: Ps. 136-1: 1, 2, 20; Votum; Groetseën;  
Loflied: Ps. 48-1: 1, 3, 5; Gebed

## Woorddiens

Skriflesing; Sing Ps. 121-1 : 1, 3, 4;  
Woordbediening

## Antwoorddiens

Gebed; Liefdegawe; Slotsang Ps. 105-1: 1,  
2, 3 & 5; Seën; Amenlied Sb. 13-3.

## MEELEWING

- Gideon Coetzee (Groep 19 - 082 927 0936) se dogter, Francisca, het mooi herstel na haar operasie en is terug op universiteit.
- June Kruger (Groep 28 - 082 853 1463) se operasie het goed afgegaan, sy sterk aan in ICU in Pretoria.
- Kiewiet Scheppel (Groep 41 - 083 274 8931) word Maandag in Klerksdorp geopereer.
- Tannie Adrie de Kock (Groep 26 - 082 921 5862) het baie verswak en is in Mooimed opgeneem.
- Marinda du Toit (Groep 6 - 082 210 4403) is in Mooimed opgeneem met mangelontsteking.
- Tannie Marietjie Scheepers (Groep 1 - 083 391 0730) is weer terug in Potch, dit gaan goed na die operasie.
- Willem Pienaar (Groep 27 - 082 465 9758) ondergaan Woensdag 'n knievervangingsoperasie in Medi-Kliniek.
- Nelleke du Toit (Groep 34 - 083 946 8237) se skoonma is oorlede. Sy was ook 'n niggie van Christa Pienaar.

**Ons bid dat die Here spoedige beterskap en herstel sal gee – ook vertroosting.**

## ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Sannie Reyneke, Filina Coetsee, Marianne Kruger, Bettie Ras, Janet vd Walt, Hester Buys, Adrie de Kock, Kosie Kruger, Therina vd Westhuizen en br Fanie Bezuidenhout.

## ONDERSTEUNING VIR SIEKES Vir ondersteuning of besoeke deur die hospitaalbesoekediensgroep, skakel hierdie week vir:

[siekes@oosdoppers.co.za](mailto:siekes@oosdoppers.co.za);  
Susan Lourens (073 898 0181)

## BAIE WELKOM AAN:

Br Henk Freeke wat opgeneem word in die Geref Kerk. Hy woon in Lupinestr 10, Groep 5. Hy is die oupa van Maxine Coetzee.

## BAIE GELUK!

Lu Erasmus het die afgelope week nog 'n kleinseun ryker geword.

## AFKONDIGINGS

### Vandag

09:00 Gebedsgroep  
09:30 Oggenddiens  
Tee en Koffie  
Kleuterbediening  
Katkisasie 10 en 11  
18:00 Aanddiens

### Maandag

17:15 Katkisasie Gr 11  
17:15 Maandtelling Finansdiensgroep  
19:00 Bedieningsdiensgroep

### Dinsdag

06:00 Manne Ondersteuningsgroep  
16:30 Katkisasie graad 8

### Woensdag

10:00 Amandelbloeisels  
17:15 Katkisasie graad 9 en 10  
18:00 Diakonie dagbestuur  
18:30 Bybelstudie: Klipdrif

### Donderdag

19:00 Gesamentlike Hemelvaartdiens:  
Die Bult

## VERJAARSDAE

**Baie geluk aan almal wat DV hierdie week verjaar!**

### Sondag, 10 Mei

Sr Corrie du Plessis 072 909 0715  
Sr Hannatjie du Plessis 072 827 4744  
Br Huib v Hamburg 082 550 5493

**Maandag, 11 Mei**

Jsr Amonè Delpont 079 156 2993  
 Sr Rachel Vorster (78) 083 235 7941

**Dinsdag, 12 Mei**

Sr Carina Coetsee 078 011 2050  
 Sr Leischa Lazenby 082 668 5655  
 Sr Nauma Pretorius 082 586 9111

**Woensdag, 13 Mei**

Jsr Elani du Preez 074 143 0098

**Donderdag, 14 Mei**

Jsr Leonè de Villiers 071 427 6016

**Vrydag, 15 Mei**

Sr Marie Thomas 082 261 8864  
 Br Johan vd Walt 082 571 6414

**Saterdag, 16 Mei**

Jsr Carmien Coetzee 083 632 2533

**ANDER AFKONDIGINGS**

- Liefdegawe vanoggend vir Barmhartigheid.
- Gawe by die deure vanoggend vir die Emeritusfonds.
- Gawe volgende Sondag vir die Koningskinders.
- Vrywillige bydrae vir voertuigsekuriteit in die bussies by deure.
- Diensbeurte: Groep 8.

**GEMEENTELIKE FOKUSTYD 2015: FOKUS OP GEESTELIKE GROEI**

Ons het die afgelope week die eerste tema naamlik “Die Weg van Saligheid as fondament vir Geestelike Groei” bestudeer. Ter wille van volledigheid gee ons hier ‘n kort uiteensetting van die volle “Weg van saligheid” of “Heilsorde”.

1. Uitverkiesing. Gewoonlik word dit nie as deel van die heilsorde gesien nie, maar vorm tog die fondament van alles. God het ons voor die grondlegging van die wêreld uitgekies om sy kinders te wees. Die uitverkiesing is afgehandel. Hoe Hy ons van hierdie uitverkiesing bewus maak volg nou:
2. Roeping. Die Here roep mense deur sy

Woord tot geloof in Jesus Christus. Hierdie roeping vind deurlopend plaas, self ook weer in die lewe van die gelowige as die Here my terugroep na Hom toe.

3. Wedergeboorte. Hierdie is die wonderwerk van die Heilige Gees wat aan ons ‘n geestelike geboorte skenk sodat ons kan glo. Dit is alleen God se werk op grond van die uitverkiesing.
4. Geloof. Die mens antwoord op die roeping van die Here op grond van sy wedergeboort met geloof. Geloof is ‘n gawe van God en die band wat my aan God vasbind met kennis en vaste vertroue.
5. Bekering: Hierdie bekering wys op ‘n wortelbekering van iemand wat die Here nie geken het nie en toe op grond van geloof hom of haar tot die Here bekeer en sy/haar lewe aan hom toewy. (Daaglikse bekering val onder heiligmaking hieronder).
6. Regverdigmaking. Dit dui op die daad van vryspraak deur God op grond van Christus se versoeningswerk. Ons word bevry van die erfskuld. Hierdie vryspraak is eenmalig en afgehandel.
7. Heiligmaking. Heiligmaking is die proses waarin die Heilige Gees ons tot nuwe mense in Christus vorm en ons lei om daagliksonde na te laat en die wil van die Here uit te leef. Dit is die proses waarin die erfsmet van ons skoongewas word en ons meer en meer die beeld van Christus vertoon.
8. Volharding van die ware gelowiges. Hier gaan dit oor God se beloftes dat Hy die ware gelowiges tot die einde toe sal dra en dat ware geloof onverliesbaar is. Dit is ‘n geweldige troos vir die gelowige in sy of haar stryd.
9. Heerlikmaking. Dit is die eindpunt van die proses en die tuiskoms in die Vaderhuis waar ons met verheerlikte liggame op die nuwe hemel en aarde leef.

Hierdie week verdiep ons ons in die tweede tema naamlik: Die werk van God die Heilige Gees in geestelike Groei.

## **Fokustyd: Praktiese projek: BORG 'N BYBEL**

Saam met die Fokustydperk wil ons ook iets prakties doen. Terwyl ons so verdiep in die rykdom van die Woord wil ons ook meewerk om Bybels te gee aan mense wat nie hulle eie Bybels het nie. Ons gaan meewerk aan die Bybelgenootskap se "Borg 'n Bybel-projek". Lidmate en of groepe kan besluit om 'n Bybel of Bybels te borg teen R 65.00 'n Bybel. (Begin somer nou al 'n paar rand hiervoor wegsit) Ons wil een van ons kleingroepe vra om die administrasie van die projek te hanteer met koeverte, kleingeldhouertjies vir kinders en 'n sigbare barometer wat weekliks beskikbaar moet wees. As julle kleingroep hiermee wil help, kontak asb een van die predikante.

## **Lê DAAR BAIE ONGEBRUIKTE BYBELS IN DIE HUIS ROND? BRING DIT KERKGEBOU TOE IN DIE VOLGENDE VYF WEKE**

Die organisasie Judea Harvest in samewerking met Bibles for Believers versamel in Mei-maand ou of ongebruikte Bybels van alle tale en vertalings om weer te versprei. Ons werk graag hieraan mee. Die verlore Bybels in die Skuur, wat nie deur lidmate geneem word nie, gaan ons ook vir hierdie projek skenk. Kyk bietjie in die kaste en laaie vir ou en ongebruikte Bybels en ons gee dit vir iemand wat dit gaan gebruik. So werk ons ook mee aan die verkondiging van die Evangelie.

## **KENNISGEWINGBORD**

- Moot-Kamp vir graad 10 - 12 leerders.
- Hou-God-in-skole-projek - fietstoer en ondersteuning.
- Plaaslike Bybelverspreiding: Faans Steyn.
- Suid-Doppers hou basaar
- Dienssentrum: Hemelvaartdiens om 8:00 en ontbyt.

## **HEMELVAARTDIENS**

Graag nooi ons julle uit na die Hemelvaartdiens wat op 14 Mei by Die Bultgemeente gehou gaan word. Ds Fanie Coetzee gaan DV die diens lei, en dit sal om 19:00 begin. Almal welkom!

## **AMANDELBLOEISELS**

Ons nooi u graag na ons byeenkoms, Woensdag 13 Mei om 10:00. Ons open by die Skuur, waarna ons na Moredou vertrek om ietsie saam te eet en drink. Bring asb R25 saam.

## **MANNEBEDIENING MET ONTBYT**

Alle broeders in u gemeente word vriendelik uitgenooi na ons Mannebediening met Ontbyt

Datum: Saterdag 16 Mei 2015

Tyd: 07:00

Plek: Gereformeerde Kerk Klerksdorp, H/v Flamwood- en Smitstraat

Tema: Ken jy die Man?

Spreeker: Ds. Griffel van Wyk, Geref.Kerk Trinitas, Vanderbijlpark

Koste: R100, wat 'n heerlike ontbyt insluit

Kaartjies beskikbaar by die Kerkkantoor, 018 468 8282 (Wilie Rautenbach); by Martie Venter (073 826 3526) of by Santie van der Westhuizen (083 254 7075)

*VOORUIT BESPREKING IS*

*NOODSAAKLIK*

## **DEPUTATE BYBEL, DIREKTE VERTALING**

Die Sinode het die **Deputate Bybel, Direkte Vertaling** aangewys om nou reeds te begin met die evaluering van die vertaling, sodat daar in 2018 (of so gou moontlik na afhandeling van die projek) 'n weloorwoë besluit geneem kan word oor die amptelike gebruik daarvan. In die lig van hulle opdrag nooi die Deputate lidmate in die kerkverband van die Gereformeerde Kerke van Suid Afrika uit om hulle insette en kritiek op die Bybel, 'n Direkte Vertaling (BDV) aan die lede van die

Deputate te stuur sodat hulle daarmee kan handel. Die Deputate bestaan uit Drr. Braam Kruger (voorsitter), Jan Lion-Cachet (skriba), Prof. Paul Kruger, Drr. Hennie Goede, Albert Coetsee, Dss. Stefaans de Bruyn en Coen Vrey. Die Deputate versoek lidmate om hulle insette en kritiek op die gepubliseerde uitgawe van die Nuwe Testament en Psalms voor of op 30 September 2015 aan die skriba, Dr. Jan by [janlc@koshcom.co.za](mailto:janlc@koshcom.co.za) deur te stuur. Lidmate word daarop gewys dat hulle kommentaar en kritiek ook direk na die Bybelgenootskap, [bdvkommentaar@biblesociety.co.za](mailto:bdvkommentaar@biblesociety.co.za) kan stuur. Hulle webblad is <http://www.bybeldirektevertaling.co.za/> en verskillende tekste (ook dele van die Ou Testament) is daarop beskikbaar vir kommentaar.

**NUUS VANAF DIE KERKGROEI DEPUTATE**  
Die Kerkgroei Deputate beplan om DV hierdie jaar die geleentheid van Hervormingsdag aan die einde van Oktober 2015 te gebruik vir die bekendstel en afskop van ons werk en diens aan die kerke. Ons sal mettertyd meer besonderhede hieroor deurgee. Verder gaan ons ook 'n 6 weke Fokustyd-program uitgewerk rondom 6 hoof temas van die omkeerstrategie beskikbaar stel vir kerke om te gebruik in die aanloop tot Hervormingsdag. (Dit behels preektemas en buitelyne, huisgodsdien riglyne en riglyne vir Bybelstudie/Kleingroepe)

Hou dus hierdie twee aspekte in gedagte vir julle beplanning van die derde/vierde kwartaal. Ons gee so gou as moontlik verdere info en beplanning deur.

**BEDIENING-NA-BUITE: SYFERFONTEIN**  
Daar was 'n mooi respons op ons vorige inligting. Baie dankie vir die groepe wat reageer het.  
Ons neem tans 3 Tswanasprekende vrouens saam na die plaas op 'n

Donderdagmiddag. Angeline tolk die Bybelstories en help met handwerk. Thandi en Mirriam is opgelei in kinderevangelisasie en speel Bybelstories met die kleintjies >7jr. Angeline is versorg, maar Thandi en Mirriam het nie 'n inkomste nie en ons wil graag vir hulle maandeliks help met 'n kospakkie.

Daar is tans 18 kinders van 8-16jr wat tolletjebrei doen. Hulle is nog nie vaardig om met naald en gare te werk nie. Die la-a-a-ang stringe moet vasgewerk word om matte, plekmatjies ens te maak. Is daar dalk susters of broers wat kans sien om te help hiermee. (In die lang winteraande voor die gasverwarmer.

Een van die vrouens saam met wie ons al lank in die projek werk, soek werk. Sy is betroubaar en eerlik. Sy is beskikbaar vir 5 dae per week, of soveel as wat sy benodig word.

Skakel vir Engela vd Walt by 0825567806 of Maryna vd Walt by 0820541020

## **PROJEKTENUUS OOSDOPPERFEES - 30 MEI 2015**

Mede-gelowiges van Potchefstroom-Oos

Bydraevorms is beskikbaar by u groepleiers asook in die voorportaal van die saal, kerk en in die kerkkantoor. Baie dankie aan die groepleier vir sy/haar hulp hiermee.

Indien u nog nie u bydraevorm ontvang het nie kan u by die kerkportaal of op die tafel in die skuur een neem

### ***Belangrike datums:***

- *Handig asseblief die vorms in tot 17 Mei. (Ons benodig dit vroeg sodat elke afdeling sy beplanning vooraf kan doen)*
- *Produkte wat beloof is op die vorm kan reeds afgegee word by die skuur of kerkkantoor.*
- *Bederfbare produkte kan al 29 Mei afgelewer word by die kombuis*
- *Hulplyste sal vanaf 17 Mei beskikbaar*

wees in portaal.

- 30 Mei - Oosdopperfees! Sien jou daar! Kom werk saam en geniet saam die feesdag!

### VLEISBESTELLINGS

Onthou! Vleisbestellings moet teen 17 Mei ingehandig word!

### HAMBURGERS TE KOOP

Die uitreik na D'kar in Botswana is elke jaar 'n hoogtepunt - in die besonder vir die belydenisklas wat dit mee maak. Hulle wil egter self ook tot die finansiering van die uitreik bydra. Daarom gaan hulle voortaan elke tweede Vrydagaand hamburgers by die kerkgebou verkoop. Daar is 'n keuse tussen hoender en bees - teen 'n baie billike R25-00 per hamburger kan nie een van ons hierdie geleentheid laat verby gaan nie!

Die eerste verkoping gaan op Vrydag 22 Mei plaasvind en die hamburgers kan tussen 17:30 en 18:30 by die kerkgebou afgehaal word. Ons wil egter toesien dat ons genoeg hamburgers maak en daarom vra ons dat bestellings geplaas word. Bestellings kan deur geSMS word na ds. Karel (072 476 8794) voor of op Donderdag 21 Mei.

*Kom ons ondersteun hierdie inisiatief van die belydenisklas!*

### STERREKYK

Ons herinner almal aan die sterre-kyk aand onder leiding van astronome van UNISA!

Dit vind plaas op **23 Mei 2015**. Ons gaan by Around the World, die plaas van Lou en Magdaleen Venter saam kuier. Ons gaan ook lekker saam aandete eet.

Ons vra dat almal, wat die aand saam met ons wil deurbring, asseblief hulle name op die lys in die voorportaal sal aanbring. Indien jy graag wil kom, maar jy het 'n vervoerprobleem, dui dit

ook asseblief vir ons aan - ons sal 'n paar voertuie beskikbaar hê om te help met vervoer.

Sterrekyk is YSIGE werk. Bring 'n KOMBERS saam, (nuut of tweedehands) vir ekstra hitte. Na die geleentheid skenk ons dit aan mense wat elke nag so kou kry.



### Kostes:

Volwassenes & hoërskoolkinders = R50 p/p

Laerskoolkinders = R25 p/k

Betalings kan by Mari Steyn / kerkkantoor gemaak word.

Vir enige navrae, skakel gerus vir Mari Steyn (082 850 1706).

### Oosdoppertjie-antwoorde vir vandag:

Lasarus of Dogtertjie van Jairus

Moses

Josef

Simson

Dawid

Elia

# Susters



## TEESKINKGELEENTHEID

Tee word vandag in die Skuur bedien onder die leiding van Ananda vd Walt (groep 14); Erika Rood (groep 43) en Magdaleen Venter (groep 45).

Baie dankie aan die groepsusters en hul groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

## SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïen word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

**Kyk gerus uit vir ons bruinkoevert waarin jy jou sustersbydrae kan sit en in die kluis kan gooi!** (Beskikbaar op die tafel in die kerk se portaal en ook in die skuur se portaal)

## KWARTAALPROGRAM

DATUM	DAG	TYD	WIE	AKTIWITEIT
25-29 Mei	Maan-Vry	13:00 en 18:00	Naamlys	Oosdopperfees - Vleiswerk - etes
30-Mei	Saterdag	09:00	Almal	Oosdopperfees
07-Jun	Sondag	19:00	Blok D	Ouderlingevergadering - verversings
09-Jun	Dinsdag	19:00	Blok B	Sustersamekoms
21-Jun	Sondag	12:00	Blok C	Nagmaalete

## BAIE DANKIE AAN ONS BORG VAN DIE WEEK!

# HUIZEMARK

## EIENDOMSAGENTSAP

**ONS HET VOORDUREND POSTE BESIKBAAR  
VIR AGENTE EN BEMARKERS**

**ONS DOEN :**  
**Verkope & Verhurings**

- \* Huise, \* Woonstelle,
- \* Meenthuise,
- \* Besigheidspersonele,
- \* Plase, \* Plotte



**VIR ALLE  
EIENDOMSBEHOEFTE  
SKAKEL**

**Rolene vd Walt**

082 859 6209

**Linda Nolte**

082 785 3951

# OOSDOPPERTJIES

## NUUS UIT DIE BYBELKOERANT

'n Ma op 90!

GERAR - Daar was gister ongekende vreugde in die laer van die skatryk donkierhandelaar Abraham, seun van Tera, toe sy vrou Sara geboorte geskenk het aan 'n fris babaseuntjie.



Wat die geboorte so merkwaardig maak, is dat Sara al 'n vrou van 90 jaar oud is, en Abraham al 100!

Die vroudevrou wat Sara tydens die geboorte bygestaan het (vanweë professionele redes mag ons ongelukkig nie haar naam bekend maak nie), het gesê dat alles baie goed afgeloop het. “As jy Sara se ouderdom in ag neem, en in gedagte hou dat dit boonop haar eerste baba is, het die geboorte eintlik verstommend goed verloop.”

Kenners is dit eens dat daar gister mediese geskiedenis gemaak is. Een dokter wat om kommentaar genader is, het net sy kop geskud en gesê hy het in sy ganse lewe nog nie van so iets gehoor nie. “Ek kan my nie voorstel dat dit ooit weer sal gebeur dat so 'n ou vrou 'n baba kan hê nie. Dis net eenvoudig ongehoord.”

Ondertussen is die laer in rep en roer soos daar voorbereidings getref word vir die feesvierings oor 'n week, wanneer die nuwe aankomeling an die gesin besny gaan word. Volgens Abraham is dit die gebruik by hulle dat elke seuntjie op die agtste dag besny word as teken dat hy aan die lewende God behoort.

Die kêreltjie oor wie al die opgewondenheid gaan, se naam is heel gepas Isak, wat “Lag” beteken.

Lees meer hieroor in Genesis 21: 1-7.



### GEDAGTE VIR VANDAG!

Wenners doen nie verskillende dinge nie - hul doen dinge net verskillend!

### RAAI, RAAI WIE IS EK?

- Jesus het my lewendig gemaak nadat ek reeds dood was.
- My ma het my in 'n biesiemandjie in die Nyl gesit.
- Ek is deur my broers verkoop.
- Ek was baie sterk.
- Ek was 'n koning en kon ook op 'n lier speel.
- Die Here het vir my gesorg toe daar hongersnood was: die kraaie het vir my kos gebring.

